



Ofisina Sentral di Statistik

WTC Building, Piscadera bay z/n

Tel: (599-9) 724-1802

WhatsApp: (599-9) 520-2227

info@cbs.cw

www.cbs.cw

Facebook : cbscur

Komunikado

Willemstad, 3 di sèptèmber 2026

CBS ta publiká resultadonan tokante eksperensianan ku kuido di salú na Kòrsou

Willemstad – Ofisina Sentral di Statistik (CBS) ta publiká resultadonan di e investigashon **“Ervaringen van de inwoners van Curaçao met de gezondheidszorg: Resultaten van Enkuesta Sosial 2025”**. Enkuesta Sosial 2025 ta un investigashon amplio den kua CBS a kolektá informashon tokante diferente tema sosial i ekonómiko, entre nan salú. Den e publikashon aki, CBS ta presentá resultadonan di e parti di salú, ku atenshon spesífiko pa uso di kuido di salú, aksesibilidat i pagabilidat di kuido, satisfakshon ku servisionan di kuido, kuido informal i ousensia for di trabou pa motibu di problema di salú.

Aki ta sigui algun resultado for di e publikashon:

Resultadonan di Enkuesta Sosial 2025 ta duna un bista di kon habitantenan di Kòrsou ta hasi uso di diferente servisio di kuido i kon nan ta eksperensiá e servisionan aki.

Seguro di salú. Na total, **95,9 porshento** di e respondentenan a indiká ku nan tin seguro pa gastunan médiko. **84,9 porshento** ta segurá via Sociale Verzekeringsbank (SVB), **7,8 porshento** via un seguro privá, 3,2 ta sigurá riba um outro manero i **4,1 porshento** a indiká ku nan no tin seguro.

Kontakto ku dòkter di kas. Na total, **92,8 porshento** a indiká ku nan a bishitá un dòkter di kas. Pa **50,8 porshento**, nan último bishita na dòkter di kas tabata ménos ku seis luna pasá, pa **15,2 porshento** entre seis i diesdos luna pasá, i pa **26,8 porshento** mas ku diesdos luna pasá.

Kontakto ku dentista. Na total, **91,6 porshento** di e respondentenan a indiká ku nan a bishitá dentista. Serka **38,6 porshento**, e último bishita na dentista tabata mas ku diesdos luna pasá. E resultadonan ta mostra tambe ku alrededor di **53 porshento** tabatin kontakto ku un dentista den e diesdos lunanan promé ku e entrevista.

Kontakto ku un spesialisista médiko. Di e respondentenan, **40,4 porshento** a indiká ku den e diesdos lunanan promé ku e entrevista nan a ser referí pa un spesialisista médiko. Serka **41,7 porshento**, e último referensia tabata mas ku diesdos luna pasá.

Den referensianan pa otro servisio di kuido, **botika** tabata esun ku a wòrdu menshoná mas tantu (**49,1 porshento**), sigui pa **laboratorio médiko** (**30,3 porshento**), radiologia (**10,8 porshento**), fisioterapia (**5,2 porshento**) i hospital (**3,7 porshento**).

Mas ku mitar ta satisfecho ku kuido di salú

Na total, **52 porshento** di e respondentenan a indiká ku nan ta satisfecho te mashá satisfecho ku kuido di salú na Kòrsou en general. Satisfakshon ta mas haltu pa e servisionan di kuido individual. Laboratorio ta skor mas haltu ku **79,6 porshento**, sigui pa dòkternan di kas ku **77,7 porshento**, botikanan ku **75,9 porshento** i dentistanan ku **74,7 porshento**.

Kuido informal i ousensia for di trabou

E investigashon ta mostra ku **7,4 porshento** di e respondentenan ta duna kuido informal na un otro persona por lo ménos un biaha pa siman. Hende muhé (633,6) ta hasi esaki mas tantu ku hende hòmbler (36,4). E porsentahe di personanan ku ta duna kuido informal a baha konsiderablemente kompará ku 2017 (Nationaal Gezondheids Enquete), e tempu ei 20,4 % di e respondentenan a indiká ku nan ta duna kuido informal un biaha pa siman.

Ademas, alrededor di **13 porshento** di e respondentenan a indiká ku nan tabata ousente for di trabou pa motibu di problema di salú den e diesdos lunanan promé ku e entrevista. Di esnan ku a reportá ousensia pa motibu di salú, **61,6 porshento** tabata ousente entre un i shete dia. Muhénan a reportá ousensia pa motibu di salú mas tantu ku hòmbrenan, 14,0% banda di 11,7%.

E publikashon kompleto **“Ervaringen van de inwoners van Curaçao met de gezondheidszorg: Resultaten van Enkuesta Sosial 2025”**. ta aksesibel riba wèpsait di CBS Kòrsou: www.cbs.cw.